



SLUŽBENE NOVINE GRADA ZENICA

GODINA XLVII
Broj 5

Četvrtak, 29.04.2021. godine

ISSN 1840-4588

GRADSKO VIJEĆE

90.

Na osnovu člana 42. i člana 37. stav (7) Zakona o prostornom uređenju i građenju („Službene novine Zeničko - dobojskog kantona“, broj: 1/14 i 4/16) i člana 21. tačka 5. Statuta Grada Zenica („Službene novine Grada Zenica“, broj: 5/15), Gradsko vijeće Zenica, na 9. sjednici održanoj dana 29.04.2021. godine, donosi

O D L U K U **o pristupanju izradi Regulacionog plana „Centar I“**

Član 1. **(Vrsta Plana)**

Pristupa se izradi Regulacionog plana „Centar I“ (u daljem tekstu: Plan).

Član 2. **(Granica područja za koje se Plan radi)**

Površina obuhvata Plana iznosi cca 8,56 hektara, sa granicama kako slijedi:

Granica počinje na zapadu ulicom Dr.Safvet bega Bašagića čijom osovinom prolazi pored Prve gimnazije do spoja sa Bulevarom Ezhera Eze Arnautovića, te dalje ide njegovom osovinom do ušća rijeke Kočeve u rijeku Bosnu i prati uzvodno korito rijeke Kočeve do početka Srpske mahale, a zatim skreće preko mosta na Kočevi u pravcu sjevera i prati ulicu Huseina Kulenovića do poslovnog objekta „Zeničanka“, gdje skreće u

u pravcu zapada duž južne fasade poslovnog objekta „Zeničanka“ i stambeno-poslovnog niza objekata vezanih uz predmetni poslovni objekat zapadno, zatim prelazi parcelu k.č.744 k.o. Zenica II i ide granicom parcela k.č.458, 457, 455, 448, 446, 445, 444, 442 i 436 k.o. Zenica II, dolazi do Sarajevske ulice na zapadu i prati osovinu ove ulice u pravcu sjevera ulicom Branilaca Bosne do spoja sa ulicom Dr.Safvet bega Bašagića gdje se i završava.

Član 3. **(Vremenski period za koji se Plan donosi)**

Plan se donosi za period do donošenja novog planskog dokumenta.

Član 4. **(Smjernice za izradu Plana)**

Smjernice za izradu Plana se odnose na sljedeće:

- a) Preispitati realne prostorne mogućnosti za izgradnju nerealizovane ranije planirane izgradnje kao i prostorne mogućnosti za novu izgradnju,
- b) Obezbijediti uslove za opremanje područja potrebnim kapacitetima poslovnih sadržaja, stambenog fonda, kvalitetnijem saobraćajnom rješenju, opremanju područja komunalnom infrastrukturom sa usklađivanjem granica obuhvata sa susjednim prostornim cjelinama,

c) Pridržavati se opredjeljenja planova višeg reda u pogledu namjene prostora, te saobraćajne i komunalne infrastrukture,

d) Izvršiti snimanje i valorizaciju postojećeg građevinskog fonda, te osnovnu prostornu koncepciju bazirati na zahtjevima i mogućnostima integralnog sagledavanja i planiranja cjelovitog prostora uključujući i kontaktne zone,

e) Utvrditi mogućnost planiranja nove izgradnje na urbanistički opravdanim slobodnim površinama, kao i mogućnost intervencija na postojećim objektima (rekonstrukcija ili zamjena građevinskog fonda, interpolacija, dogradnja i nadogradnja) uvažavajući odnos prema susjedstvu,

f) U ulici Maršala Tita na postojećim objektima planirati njihovu rekonstrukciju, nadogradnju, dogradnju i interpolaciju u cilju formiranja ujednačene arhitektonski oblikovane cjeline uz uvažavanje postojećih objekata (historijske vrijednosti) iz ranijeg perioda,

g) Poseban akcenat u planiranju prostora dati na lokalitet „Kanare“ u pogledu građevinske intervencije, saobraćajne postavke, te infrastrukture,

h) Voditi računa o rastojanjima između objekata, njihovom osunčanju, saobraćajnom i kolskom pristupu, saobraćaju u mirovanju i drugim parametrima u cilju stvaranja prostora primjerenog potrebama savremenog života, a istovremeno sadržajno privlačnim i atraktivnim,

i) Analizirati saobraćajnu postavku iz postojećeg plana, te predložiti kvalitetno saobraćajno rješenje sa akcentom na poveznicu ulica Dr. Safvet bega Bašagića i Jevrejske,

j) Predvidjeti prostore stacionarnog saobraćaja i podzemnih garaža u skladu sa važećim standardima i planiranim sadržajima,

k) Maksimalno poštovati postojeću parcelaciju i vlasničko stanje,

l) Planirati opremanje područja potrebnom mrežom komunalne infrastrukture, te njihovo povezivanje sa susjednim prostornim cjelinama,

m) Uz postojeće i planirane saobraćajnice, te parking površine predvidjeti linijske sisteme adekvatnog zelenila,

n) U definisanju prostorne organizacije uvažiti sve postojeće i planirati nove kategorije zelenila, kao i trgove sa elementima urbanog mobilijara koje odgovaraju ovom ambijentu i načinu korištenja površina

Član 5.

(Rok za pripremu i izradu Plana)

Rok za pripremu i izradu Plana je sljedeći:

- Donošenje Odluke o pristupanja izradi Plana - april 2021. godine.
- Donošenje Programa uključivanja javnosti - april 2021. godine.
- Izrada Prednacrt Plana - septembar 2021. godine.
- Donošenje Nacrta Plana - oktobar 2021. godine.
- Donošenje Prijedloga Plana - decembar 2021. godine.

Član 6.

(Nosilac pripreme Plana i Nosilac izrade Plana)

(1) Nosilac pripreme Plana je Gradonačelnik Grada Zenica putem Službe za urbanizam (u daljem tekstu: Nosilac pripreme).

(2) Nosilac izrade Plana je Javno preduzeće za prostorno planiranje i uređenje grada „Zenica“ d.o.o. Zenica (u daljem tekstu: Nosilac izrade).

Član 7. (Donošenje Plana)

- (1) Nosilac izrade Plana će izraditi Urbanističku osnovu (koncepciju) i dostaviti Nosiocu pripreme na razmatranje i usaglašavanje.
- (2) Nakon usvajanja osnovne koncepcije, Nosilac izrade će izraditi Prednacrt i dostaviti Nosiocu pripreme, radi utvrđivanja Nacrta Plana.
- (3) Nakon usvajanja Prednacrta, Nosilac izrade će izraditi Nacrt Plana, koji će Nosilac pripreme utvrditi i podnijeti Gradskom vijeću na razmatranje i donošenje.
- (4) Nakon usvajanja Nacrta Plana isti se stavlja na javni uvid i javnu raspravu u trajanju od 30 dana.
- (5) Nosilac pripreme Plana dat će svoje mišljenje na date primjedbe i sugestije sa javne rasprave, te će Nosilac izrade izraditi konačan Prijedlog Plana i dostaviti Nosiocu pripreme.
- (6) Nosilac pripreme Plana utvrdiće Prijedlog Plana i podnijeti Gradskom vijeću na donošenje.

Član 8. (Način osiguranja sredstava za izradu Plana)

Sredstva za izradu Plana obezbijediće Grad Zenica.

Član 9. (Sadržaj Odluke)

Sastavni dio ove odluke je grafički prilog sa ucrtanom granicom područja Plana.

Član 10. (Stupanje na snagu)

Ova odluka stupa na snagu danom donošenja i objaviće se u „Službenim novinama Grada Zenica“.

Broj: 01-45-8521/21
Zenica, 29.04.2021. godine

**PREDSJEDAVAJUĆI
GRADSKOG VIJEĆA ZENICA
*Almir Babajić***

91.

Na osnovu člana 21. Statuta Grada Zenica („Sl. novine Grada Zenica“, broj:5/15), a u vezi sa članom 18. Zakona o građevinskom zemljištu Federacije BiH („Sl. novine Federacije BiH“, broj: 25/03), Gradsko vijeće Zenica, na svojoj devetoj sjednici održanoj dana 29.04.2021. godine, donijelo je

O D L U K U o preuzimanju zemljišta iz posjeda JU OŠ „Ahmed Muradbegović“ Zenica za potrebe izgradnje ambulante u KO “Pojske”

1. Preuzima se iz posjeda JU OŠ „Ahmed Muradbegović“ Zenica nekretnina označena kao k.č.n.p. broj: 3169/2 zv Luka, dvorište u površini 327 m² upisana u pl.broj: 244 KO Pojske kao DS - posjed JU OŠ Ahmed Muradbegović Stranjani sa 1/1 dijela kojoj po starom premjeru odgovara k.č. broj: 122/3, istog naziva, kulture i površine upisana u zk.ul.br.1 KO Pojske kao vlasništvo Grada Zenice sa 1/1 dijela.
2. Nekretnina iz prethodne tačke ustupa

se bez naknade na korištenje radi građenja JU „Dom zdravlja“ Zenica.

3. Na osnovu ove odluke Zemljišnoknjižni ured Općinskog suda u Zenici i Služba za imovinsko-pravne, geodetske poslove i katastar nekretnina Grada Zenice će na nekretnini opisanoj u tački 1. dispozitiva izvršiti upis prava korištenja u korist JU „Dom zdravlja“ Zenica sa 1/1 dijela.

4. Ova odluka je konačna.

O b r a z l o ž e n j e

Služba za imovinsko-pravne, geodetske poslove i katastar nekretnina je dostavila Gradskom vijeću prijedlog Odluke o preuzimanju iz posjeda JU OŠ „Ahmed Muradbegović“ Zenica zemljišta označenog kao k.č.n.p. broj: 3169/2 zv Luka, dvorište u površini 327 m² upisana u pl.broj: 244 KO Pojske kao DS - posjed JU OŠ „Ahmed Muradbegović“ Zenica sa 1/1 dijela kojoj po starom premjeru odgovara k.č. broj: 122/3, istog naziva, kulture i površine upisana u zk.ul.br.1 KO Pojske kao vlasništvo Grada Zenice sa 1/1 dijela.

JU „Dom zdravlja“ Zenica zatražio je davanje saglasnosti za korištenje dijela zemljišta k.č.3169 KO Pojske radi izgradnje ambulante porodične medicine, a koje se u zemljišnim knjigama vodi kao državna svojina organ upravljanja N.O.S. i uz zahtjev je dostavljeno Rješenje o urbanističkoj saglasnosti Službe za urbanizam Grada Zenica broj: 03/23-1801/19 od 07.06.2019. god., Zaključak Vlade ZDK br. 02-38-798/19 od 11.01.2019.god. i Ugovor o korištenju zemljišta zaključen između JU „Dom zdravlja“ Zenica i JU OŠ „Ahmed Muradbegović“ Zenica od 06.03.2019.god.

U postupku koji je prethodio prijedlogu izvršeno je formiranje parcele shodno UTU Službe za urbanizam od 31.05.2019.god., izdejtstovan je upis predmetne parcele na Grad Zenicu kao vlasnika sa 1/1 dijela, te zatraženo izjašnjenje JU OŠ „Ahmed Muradbegović“ Zenica za preuzimanje iz posjeda, a koja je svojim aktom broj: 242/21 od 19.2.2021.god. dostavila Odluku Školskog odbora br. 228/21 od 18.2.2021.god. kojom daju svoju saglasnost za korištenje

predmetnog zemljišta radi uspostavljanja ambulante porodične medicine pozivajući se na Zaključak Vlade ZDK i Ugovor o korištenju zemljišta sa prilaznim putem, zaključen dana 6.3.2019.god. sa JU „Dom zdravlja“ Zenica,

Član 18. Zakona o građevinskom zemljištu propisuje:

„Privredno društvo i drugo pravno lice može prenijeti neizgrađeno gradsko građevinsko zemljište radi privođenja trajnoj namjeni predviđenoj odgovarajućim planom samo na općinu.

Prenos zemljišta, iz prethodnog stava, vrši se bez naknade ili uz naknadu samo do visine vrijednosti ulaganja u zemljište koje se prenosi.“

Imajući u vidu da je Služba za urbanizam izdavanjem rješenja o urbanističkoj saglasnosti opredijelila namjenu predmetne parcele, te da je od strane JU OŠ „Ahmed Muradbegović“ Zenica data saglasnost za korištenje zemljišta radi izgradnje ambulante porodične medicine bez naknade odlučeno je kao u dispozitivu ove odluke u skladu sa naprijed citiranim članom Zakona o građevinskom zemljištu Federacije BiH.

Ova odluka je konačna i protiv iste nije dozvoljena žalba, ali se može pobijati tužbom pred Kantonalnim sudom u Zenici u roku od 30 dana od dana prijema.

Broj: 01-45-8524/21

Zenica, 29.04.2021. godine

PREDSJEDAVALA
GRADSKOG VIJEĆA ZENICA
Almir Babajić

92.

Na osnovu člana 21. Statuta Grada Zenica („Službene novine grada Zenica“, broj: 5/15) i člana 36. Poslovnika Gradskog vijeća („Službene novine grada Zenica“, broj: 4/17), a u vezi sa članom 29. i 72. Zakona o socijalnoj zaštiti, zaštiti civilnih žrtava rata i zaštite porodice sa djecom („Službene novine ZE-DO kantona“, broj: 13/07, 13/11, 3/15 i 2/16), Gradsko vijeće Zenica, na svojoj 9. sjednici održanoj dana 29.04.2021. godine, donosi:

O D L U K U
O SUBVENCIONIRANJU TROŠKOVA
GRIJANJA ZA SEZONU 2020/2021.
GODINE

I. Opće odredbe**Član 1.**

Ovom odlukom utvrđuje se pravo na subvencioniranje troškova grijanja, obim prava, korisnici prava, uslovi za ostvarivanje prava, postupak za ostvarivanje prava, sredstva za finansiranje, kao i druga pitanja od značaja za ostvarivanje prava na subvenciju troškova grijanja.

Član 2.

(1) Troškovi grijanja u smislu ove odluke su:

a) troškovi zagrijavanja stambenog prostora toplotnom energijom iz sistema centralnog grijanja kojim upravlja JP „Grijanje“ d.o.o. Zenica (u daljem tekstu: centralno grijanje)

b) troškovi zagrijavanja stambenog prostora alternativnim izvorima toplotne energije kao što su: drvo, ugalj, plin, nafta i dr., (u daljem tekstu: alternativno grijanje).

(2) Troškovima grijanja, u smislu ove odluke, smatraju se troškovi nastali u periodu od 01.07.2020. do 30.06.2021. godine.

II. Obim prava na subvencioniranje troškova grijanja**Član 3.**

(1) Subvencioniranje troškova grijanja (u daljem tekstu: subvencija), u smislu ove odluke, je pravo na subvenciju troškova:

- a) alternativnog grijanja u jednokratnom iznosu od 100,00 KM,
- b) 100% iznosa mjesečnih računa za usluge centralnog grijanja.

- (2) Računom centralnog grijanja smatra se račun JP „Grijanje“ d.o.o. Zenica ispostavljen licima koja ostvaruju pravo na subvenciju u skladu sa ovom odlukom.

III. Korisnici prava na subvenciju**Član 4.**

- (1) Korisnik prava na subvenciju je korisnik prava na stalnu novčanu pomoć kod JU Centar za socijalni rad Zenica, koji je ostvario pravo do 15.10.2020. godine.
- (2) Korisnici su dužni prijaviti svaku nastalu promjenu koja je od uticaja za ostvarivanje ovoga prava u roku od 15 dana od dana nastale promjene.

Član 5.

Prava iz ove odluke su lična, neprenosiva i mogu se koristiti samo po jednom osnovu.

IV. Postupak za ostvarivanje prava na subvenciju**Član 6.**

- (1) Postupak za ostvarivanje prava na subvenciju troškova po ovoj odluci po službenoj dužnosti vodi JU Centar za socijalni rad Zenica (u daljem tekstu: Centar).
- (2) Subvencioniranje troškova centralnog grijanja vršiće se na sljedeći način:
 - a) Centar izrađuje tabelarni pregled korisnika koji sadrži sljedeće elemente:
 - 1) redni broj, prezime i ime korisnika,
 - 2) prezime i ime lica kod koga korisnik stanuje,
 - 3) adresa stana, površinu stana u m², broj članova domaćinstva,
 - 4) period za obračun i iznos subvencije.
 - b) Ovako sačinjen pregled, Centar dostavlja JP „Grijanje“ d.o.o. Zenica radi usaglašavanja.

c) Nakon usaglašenog pregleda između Centra i JP „Grijanje“ Zenica Centar vrši izradu rješenja, spajanjem predmeta u jedan, u skraćenoj formi, bez obrazloženja koje sadrži sve elemente iz usaglašenog tabelarnog pregleda.

(3) Subvencioniranje troškova alternativnog grijanja vršiće se na sljedeći način:

a) Centar za socijalni rad vrši izradu rješenja, spajanjem predmeta u jedan, u skraćenoj formi, bez obrazloženja koje, pored novčanog iznosa, sadrži i sljedeće elemente:

- 1) redni broj, prezime i ime korisnika,
- 2) JMBG korisnika i
- 3) adresu korisnika.

(4) Rješenja iz stava (2) i (3) ovoga člana objavljuju se na oglasnoj tabli Centra. Rješenja postaju pravosnažna osmog dana nakon objavljivanja na oglasnoj tabli.

(5) Pravosnažno rješenje kojim je utvrđeno pravo na subvenciju troškova centralnog grijanja Centar prosljeđuje JP „Grijanje“ Zenica na dalje postupanje, JP „Grijanje“ Zenica za korisnike, prema dostavljenom pravosnažnom rješenju, Centru ispostavlja obračun kao osnov za plaćanje.

(6) Rješenje, kojim je utvrđeno pravo na subvenciju troškova alternativnog grijanja, realizovaće se po propisima i procedurama trezorskog poslovanja.

(7) Pravosnažna rješenja, kojim je utvrđeno pravo na subvenciju, se dostavljaju i Službi za boračko-invalidsku i socijalnu zaštitu, stambene poslove i društvene djelatnosti.

V. Sredstva za finansiranje

Član 7.

Finansijska sredstva za realizaciju ove odluke planirana su u Budžetu Grada Zenica za 2021. godinu na poziciji budžetskog korisnika JU Centar za socijalni rad Zenica, organizacioni kod 59010002, Posebne namjene, Ekonomski kod 614200, Budžetska pozicija 181 – Izdaci za grijanje korisnika socijalne pomoći.

VI. Prijelazne i završne odredbe

Član 8.

Korisnici stalne novčane pomoći kod JU Centar za socijalni rad Zenica, nastanjeni u naselju Kamp Putovići, za koje Grad Zenica plaća električnu energiju, ne ostvaruju pravo na subvenciju na alternativno grijanje iz člana 3. ove odluke.

Član 9.

Za realizaciju ove odluke zadužuju se:

- a) JU Centar za socijalni rad Zenica,
- b) Služba za boračko-invalidsku i socijalnu zaštitu, stambene poslove i društvene djelatnosti,
- c) Služba za budžet i finansije Grada Zenica i
- d) JP „Grijanje“ Zenica.

Član 10.

Ova odluka stupa na snagu danom donošenja i objavit će se u „Službenim novinama Grada Zenica“.

Broj: 01-45-8493/21

Zenica, 29.04.2021. godine

PREDSJEDAVAJUĆI
GRADSKOG VIJEĆA ZENICA
Almir Babajić

93.

Na osnovu člana 21. tačka 2) i člana 116. stav (1) i (2) Statuta Grada Zenica (“Službene novine Grada Zenica”, broj: 5/15)

i člana 37. Poslovnika Gradskog vijeća ("Službene novine Grada Zenica", broj: 4/17 i 4/20), Gradsko vijeće Zenica, na prijedlog Komisije za propise, na sjednici održanoj dana 09.04.2021. godine, donosi

O D L U K U

o stavljanju van snage Odluke o organizaciji i načinu naplate parkiranja na javnim parking mjestima

Član 1. (Predmet odluke)

(1) Ovom Odlukom stavlja se van snage Odluka o organizaciji i načinu naplate parkiranja na javnim parking mjestima („Službene novine Grada Zenica“, broj: 5/18).

(2) Do donošenja i početka primjene nove odluke o organizaciji i načinu naplate parkiranja na javnim parking mjestima, primjenjivat će se Odluka o organizaciji i načinu naplate parkiranja („Službene novine općine Zenica“, broj: 6/04).

Član 2. (Stupanje na snagu)

Ova Odluka stupa na snagu narednog dana od dana objavljivanja u "Službenim novinama Grada Zenica“.

Broj: 01-45-8527/21
Zenica, 29.04.2021. godine

**PREDSJEDAVAJUĆI
GRADSKOG VIJEĆA ZENICA
*Almir Babajić***

94.

Na osnovu člana 21. tačka 2. i 7. i člana 116. st. (1) i (2) Statuta Grada Zenica („Službene novine Grada Zenica“, broj: 5/15), Gradsko vijeće Zenica na svojoj 9. sjednici, održanoj 29.04.2021. godine, donijelo je

O D L U K U

o opredjeljenosti dodjele/osnivanja prava građenja radi realizacije projekata izgradnje, upravljanja i korištenja podzemnih garaža na području grada Zenica

Član 1.

Gradsko vijeće, s ciljem rješavanja problematike stacionarnog saobraćaja u urbanoj zoni Grada, daje saglasnost za pokretanje procedura dodjele/osnivanja prava građenja privatnim investitorima na lokacijama:

1. Trg Bosne i Hercegovine,
 2. Trg Alija Izetbegović,
 3. Lokacija Mokušnice, ispod sportskog igrališta,
- radi realizacije projekata izgradnje, upravljanja i korištenja podzemnih garaža na području grada Zenica.

Član 2.

Projekti izgradnje, upravljanja i korištenja podzemnih garaža na području grada Zenica realizirat će se na osnovu Analize opravdanosti izgradnje, upravljanja i korištenja podzemnih garaža na području grada Zenica.

Član 3.

Projekti izgradnje, upravljanja i korištenja podzemnih garaža na lokacijama Trg Bosne i Hercegovine i Trg Alije Izetbegovića realizirat će se primjenom modela dodjele/osnivanja prava građenja, a nakon provedenog javnog natječaja i izbora investitora, dok će za projekat garaže na lokaciji Mokušnice – ispod sportskog igrališta, biti sagledana mogućnost realizacije u saradnji sa JP „Parking servis“ d.o.o., odnosno njegova realizacija bit će povjerena tom preduzeću.

Član 4.

Daje se saglasnost na Analizu opravdanosti projektovanja, izgradnje, upravljanja i korištenja podzemnih garaža na području grada Zenica, koja se nalazi u prilogu i čini sastavni dio ove Odluke.

Član 5.

Ovlašćuje se Gradonačelnik da donese potrebne akte i provede potrebne procedure za pripremu i provođenje procedura javnog

poziva/natječaja za dodjelu/osnivanje prava građenja na lokacijama iz člana 1. ove Odluke.

Član 6.

Zadužuje se Gradonačelnik da dostavi Gradskom vijeću prijedlog Odluke o raspisivanju javnog poziva/natječaja sa tekstom natječaja i sa prijedlogom kriterija za ocjenu i izbor ekonomski najpovoljnije ponude.

Član 7.

Zadužuje se Gradonačelnik da dostavi Gradskom vijeću prijedlog odluka o dodjeli/osnivanju prava građenja radi projektovanja, izgradnje, upravljanja i korištenja podzemnih garaža na lokacijama iz člana 1. ove Odluke, s prijedlogom ugovora o aranžmanu sa privatnim investitorima, a nakon provedenih procedura javnog natječaja.

Član 8.

Odluka stupa na snagu danom donošenja, a objavit će se u „Službenim novinama Grada Zenica“.

Broj: 01-45-8507/21

Zenica, 29.04.2021. godine

PREDSJEDAVAJUĆI
GRADSKOG VIJEĆA ZENICA
Almir Babajić

95.

Na osnovu člana 21. tačka 2. i 7. i člana 116. st. (1) i (2) Statuta Grada Zenica („Službene novine Grada Zenica“, broj: 5/15), Gradsko vijeće Zenica na svojoj 9. sjednici, održanoj 29.04.2021. godine, donijelo je

O D L U K U

**o opredjeljenosti dodjele/osnivanja
prava građenja radi realizacije
projekta
izgradnje i upravljanja
objektom/kompleksom autobuske
stanice u gradu Zenica**

Član 1.

Gradsko vijeće, s ciljem rješavanja problematike uspostave funkcija autobuske stanice u gradu Zenica, daje saglasnost za pokretanje procedura dodjele/osnivanja prava građenja privatnim investitorima radi

realizacije projekta izgradnje, upravljanja i korištenja objektom/kompleksom autobuske stanice u gradu Zenica, na lokaciji postojeće autobuske stanice.

Član 2.

Projekat izgradnje i upravljanja autobuskom stanicom realizirat će se na osnovu koncepta Projekta izgradnje objekta/kompleksa autobuske stanice u gradu Zenica i modernizacije javnog prevoza putnika.

Član 3.

Daje se saglasnost na Projekat izgradnje objekta/kompleksa autobuske stanice u gradu Zenica i modernizacije javnog prevoza putnika, koji se nalazi u prilogu i čini sastavni dio ove Odluke.

Član 4.

Ovlašćuje se Gradonačelnik da donese potrebne akte i provede potrebne procedure za pripremu i provođenje procedura javnog poziva/natječaja za dodjelu/osnivanje prava građenja za izgradnju i upravljanje objektom autobuske stanice.

Član 5.

Zadužuje se Gradonačelnik da dostavi Gradskom vijeću prijedlog Odluke o raspisivanju javnog poziva/natječaja sa tekstom natječaja i sa prijedlogom kriterija za ocjenu i izbor ekonomski najpovoljnije ponude.

Član 6.

Zadužuje se Gradonačelnik da dostavi Gradskom vijeću prijedlog odluke o dodjeli/osnivanju prava građenja radi projektovanja, izgradnje, upravljanja i korištenja objektom/kompleksom autobuske stanice, s prijedlogom ugovora o aranžmanu sa privatnim investitorom, a nakon provedenih procedura javnog natječaja.

Član 7.

Odluka stupa na snagu danom donošenja, a objavit će se u „Službenim novinama Grada Zenica“.

Broj: 01-45-8510/21

Zenica, 29.04.2021. godine

PREDSJEDAVAJUĆI
GRADSKOG VIJEĆA ZENICA
Almir Babajić

96.

Na osnovu člana 64. stav (8) Zakona o zdravstvenoj zaštiti ("Službene novine Federacije BiH", broj: 46/10 i 75/13) i člana 21. tačka 18. Statuta Grada Zenica ("Službene novine Grada Zenica", broj: 5/15), Gradsko vijeće Zenica, na 9. sjednici održanoj dana 29.04.2021. godine, donijelo je

RJEŠENJE**o razrješenju člana Upravnog odbora
Javne ustanove
"Dom zdravlja" Zenica****Član 1.**

Gavran Larisa, prof. dr. sc., predstavnik stručnih radnika, razrješava se dužnosti člana Upravnog odbora Javne ustanove „Dom zdravlja“ Zenica, na lični zahtjev.

Član 2.

Ovo Rješenje stupa na snagu danom donošenja, a objavit će se u „Službenim novinama Grada Zenica“.

Broj: 01-45-8519/21

Zenica, 29.04.2021. godine

PREDSJEDAVALJUĆI
GRADSKOG VIJEĆA ZENICA
Almir Babajić

97.

Na osnovu člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), a u vezi sa članom 64. stav (8) Zakona o zdravstvenoj zaštiti ("Službene novine Federacije BiH", broj: 46/10 i 75/13) i članom 21. tačka 18. Statuta Grada Zenica ("Službene novine Grada Zenica", broj: 5/15), Gradsko vijeće Zenica, na 9. sjednici održanoj dana 29.04.2021. godine, donijelo je

RJEŠENJE**o imenovanju privremenog člana
Upravnog odbora Javne ustanove
"Dom zdravlja" Zenica****Član 1.**

Gajanović Branka, dr.spec., predstavnik stručnih radnika, imenuje se kao privremeni član Upravnog odbora Javne ustanove "Dom zdravlja" Zenica.

Član 2.

Privremeni član Upravnog odbora iz člana 1. ovog Rješenja imenuju se do okončanja konkursne procedure izbora člana Upravnog odbora, a najduže na period od tri mjeseca.

Član 3.

Ovo Rješenje stupa na snagu danom donošenja, a objavit će se u „Službenim novinama Grada Zenica“.

Broj: 01-45-8516/21

Zenica, 29.04.2021. godine

PREDSJEDAVALJUĆI
GRADSKOG VIJEĆA ZENICA
Almir Babajić

GRADONAČELNIK

98.

Na osnovu člana 234. stav (1) tačka m) Zakona o privrednim društvima ("Službene novine Federacije BiH", broj: 81/15), člana 34. tačke 5. i 6. i člana 117. Statuta Grada Zenica („Službene novine Grada Zenica, broj: 5/15) i člana 47. stav (1) Statuta Javnog preduzeća „Grijanje“ d.o.o. Zenica broj: 02-01-5293/08 od 06.06.2008. godine-OPU: 2330/08, Odluke o izmjeni Statuta broj: 02-05-18501/09 od 24.11.2009. godine-OPU-IP: 460/09, Odluke o izmjeni i dopuni Statuta broj: 02-49-21441/11 od 12.11.2011. godine-OPU-IP: 465/11, Odluke o izmjeni Statuta broj: 02-01-5293/08 od 06.03.2008. godine-OPU-IP:598/18, a koja Odluka je ispravljena Odlukom o izmjeni Statuta broj: 02-01-5293/08 od 06.03.2008. godine-OPU-IP: 598/18, Odluke o izmjeni Statuta broj: 02-45-

11030/20 od 17.06.2020. godine-OPU-IP:162/20, Odluke o izmjeni Statuta broj: 02-45-23984/20 od 02.12.2020. godine-OPU-IP:397/20 i Odluke Nadzornog odbora Javnog preduzeća „Grijanje“ d.o.o. Zenica o izboru člana Odbora za reviziju Javnog preduzeća „Grijanje“ d.o.o. Zenica broj: 3440/21 od 12.03.2021. godine, Gradonačelnik Grada Zenica, koji u ime osnivača vrši poslove Skupštine Javnog preduzeća „Grijanje“ d.o.o. Zenica, d o n o s i

O D L U K U

o imenovanju člana Odbora za reviziju Javnog preduzeća „Grijanje“ d.o.o. Zenica

Član 1.

Jašarević Dženana, dipl ecc, imenuje se za člana Odbora za reviziju Javnog preduzeća „Grijanje“ d.o.o. Zenica.

Član 2.

Imenovanje se vrši na određeno vrijeme počev od 01.05.2021. godine do isteka mandata aktuelnom predsjedniku i članu Odbora za reviziju Javnog preduzeća „Grijanje“ d.o.o. Zenica, odnosno do 24.09.2023. godine.

Sa imenovanom će se zaključiti ugovor o angažmanu kojim će se regulisati međusobna prava i obaveze.

Član 3.

Ova Odluka stupa na snagu danom donošenja i objavit će se u "Službenim novinama Grada Zenica".

Broj: 02-45-7508/21
Zenica, 21.04.2021. godine

GRADONAČELNIK
Fuad Kasumović

99.

Na osnovu člana 59. Zakona o budžetima u FBiH ("Službene novine FBiH", broj: 102/13, 9/14, 13/14, 8/15, 91/15, 102/15,

104/16, 5/18, 11/19 i 99/19), člana 34. Statuta Grada Zenica ("Službene novine Grada Zenica", broj: 5/15), člana 28. Odluke o izvršavanju Budžeta Grada Zenica za 2021. godinu ("Službene novine Grada Zenica", broj: 2/21) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, na prijedlog Službe civilne zaštite, Gradonačelnik Zenice donosi

Z A K L J U Č A K

o preraspodjeli sredstava u Budžetu Grada Zenica za 2021. godinu

I

Odobrava se preraspodjela sredstava Budžeta Grada Zenica za 2021. godinu ("Službene novine Grada Zenica", broj: 2/21) na organizacionom kodu 60010001 - Služba civilne zaštite.

II

Preraspodjela sredstava iz tačke I vrši se na sljedeći način:

Umanjuje se:

- ekonomski kod 613700, funkcija 0323, budžetska pozicija 225 – "Izdaci za tekuće održavanje" za iznos od 55.000,00 KM i

Fomira se nova budžetska pozicija:

- ekonomski kod 821200, funkcija 0321, budžetska pozicija 227A – "Nabavka građevina za provođenje preventivnih i hitnih mjera" u iznosu od 55.000,00 KM.

III

Za realizaciju ovog Zaključka zadužuju se Služba civilne zaštite i Služba za finansije.

IV

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02- 45-6667/21
Zenica, 08.04.2021. godine

GRADONAČELNIK
Fuad Kasumović

100.

Na osnovu člana 59. Zakona o budžetima u FBiH ("Službene novine FBiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), člana 34. Statuta Grada Zenica ("Službene novine Grada Zenica", broj: 5/15), člana 28. Odluke o izvršavanju Budžeta Grada Zenica za 2021. godinu ("Službene novine Grada Zenica", broj: 2/21) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, na prijedlog Službe za privredu i upravljanje razvojem, Gradonačelnik Zenice donosi

Z A K L J U Č A K
o preraspodjeli sredstava
Budžeta Grada Zenica za 2021. godinu

I

Odobrava se preraspodjela sredstava Budžeta Grada Zenica za 2021. godinu ("Službene novine Grada Zenica", broj: 2/21) na organizacionom kodu 58010001 - Služba za privredu i upravljanje razvojem.

II

Preraspodjela sredstava iz tačke I vrši se na sljedeći način:

Umanjuje se:

- ekonomski kod 613900, funkcija 0493, budžetska pozicija 88 - "Učešće u finansiranju projekata (Strategija razvoja, IPA, CBC, MED i dr.) za iznos od 10.000,00 KM.

Povećava se:

- ekonomski kod 613700, funkcija 0133, budžetska pozicija 83 - "Izdaci za tekuće održavanje poslovnih prostora" za iznos od 10.000,00 KM.

III

Za realizaciju ovog Zaključka zadužuje se Služba za privredu i upravljanje razvojem i Služba za finansije.

IV

Ovaj Zaključak stupa na snagu danom donošenja, a objaviti će se u "Službenim novinama Grada Zenica".

Broj: 02- 45-7588/21

Zenica, 26.04.2021. godine

GRADONAČELNIK
Fuad Kasumović

101.

Na osnovu člana 34. tačka 6. i člana 117. Statuta Grada Zenica ("Službene novine Grada Zenica", broj: 5/15) i člana 26. Odluke o izvršavanju Budžeta Grada Zenica za 2021. godinu ("Službene novine Grada Zenica", broj: 2/21), Gradonačelnik Grada Zenica, razmatrajući akt Javne ustanove "Dom zdravlja" Zenica broj: OU-01.1-99-32301/21 od 31.03.2021. godine, donio je

Z A K L J U Č A K
o odobravanju izdvajanja sredstava
iz tekuće budžetske rezerve

I

Odobrava se izdvajanje novčanih sredstava iz Budžeta Grada Zenica za 2021. godinu ("Službene novine Grada Zenica", broj: 2/21) u iznosu od 9.750,00 KM, u svrhu nabavke 500 antigen brzih testova na Covid-19 u uslovima pogoršane epidemiološke situacije.

II

Sredstva iz tačke I izdvajaju se iz "Tekuće budžetske rezerve" Budžeta Grada Zenica za 2021. godinu, u svrhu obezbjeđenja neplaniranih sredstava na organizacionom kodu 59010001 - Služba za boračko-invalidsku i socijalnu zaštitu, stambene poslove i društvene djelatnosti, ekonomski kod 614300 - "Tekući transferi neprofitnim organizacijama", funkcija 0761.

III

Za realizaciju ovog Zaključka zadužuje se Služba za boračko-invalidsku i socijalnu zaštitu, stambene poslove i društvene djelatnosti i Služba za finansije, koja će navedena sredstva uplatiti na žiro račun JU Apoteka "Zdravlje" Zenica, broj: 134-010000007104 kod ASA banke Zenica.

IV

Zadužuje se JU Apoteka "Zdravlje" Zenica da izvrši nabavku 500 antigen brzih testova za potrebe COVID ambulante u JU "Dom zdravlja" Zenica u što kraćem roku zbog razloga hitnosti izazvanih porastom broja oboljelih građana Zenice.

V

Zadužuju se JU "Dom zdravlja" Zenica i JU Apoteka "Zdravlje" Zenica da dostave Izvještaj o realizaciji ovog Zaključka Službi za boračko-invalidsku i socijalnu zaštitu, stambene poslove i društvene djelatnosti.

VI

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-45-6322/21

Zenica, 01.04.2021. godine

GRADONAČELNIK
Fuad Kasumović

102.

Na osnovu člana 60. i 61. Zakona o budžetima u FBiH ("Službene novine FBiH" broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), člana 34. Statuta Grada Zenica ("Službene novine Grada Zenica" broj: 5/15) i člana 26. Odluke o izvršavanju Budžeta Grada Zenica za 2021. godinu ("Službene novine Grada Zenica", broj: 2/21), Gradonačelnik Zenice donosi

Z A K L J U Č A K
o odobravanju izdvajanja sredstava
iz tekuće budžetske rezerve

I

Odobrava se izdvajanje novčanih sredstava iz Budžeta Grada Zenica za 2021. godinu Islamskoj zajednici u BiH, Institutu za islamsku tradiciju Bošnjaka, u iznosu od 3.000,00 KM, u svrhu finansijske pomoći za organizovanje Druge manifestacije "Dani Islamske tradicije Bošnjaka".

II

Sredstva iz tačke I izdvajaju se iz "Tekuće budžetske rezerve" Budžeta Grada Zenica za 2021. godinu, a u svrhu obezbjeđenja neplaniranih sredstava na organizacionom kodu 59010001 - Služba za boračko-invalidsku i socijalnu zaštitu, stambene poslove i društvene djelatnosti, ekonomski kod 614300 – tekući transferi neprofitnim organizacijama, funkcija 0861.

III

Za realizaciju ovog Zaključka zadužuje se Služba za boračko-invalidsku i socijalnu zaštitu, stambene poslove i društvene djelatnosti i Služba za finansije, koja će navedena sredstva uplatiti na račun Islamske zajednice u BiH, Institut za islamsku tradiciju Bošnjaka, broj: 160-103-00000677-29 otvoren kod VAKUFSKE banke dd Sarajevo.

IV

O utrošku sredstava korisnik je dužan podnijeti izvještaj Službi za boračko-invalidsku i socijalnu zaštitu, stambene poslove i društvene djelatnosti.

V

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-7496/21

Zenica, 29.04.2021. godine

GRADONAČELNIK
Fuad Kasumović

SADRŽAJ

GRADSKO VIJEĆE

90. Odluka o pristupanju izradi Regulatornog plana "Centar I"	1
91. Odluka o preuzimanju zemljišta iz posjeda JU OŠ "Ahmed Muradbegović" Zenica za potrebe izgradnje ambulante u KO "Pojske"	3
92. Odluka o subvencioniranju troškova grijanja za sezonu 2020/2021. godine	4
93. Odluka o stavljanju van snage Odluke o organizaciji i načinu naplate parkiranja na javnim parking mjestima	6
94. Odluka o opredjeljenosti dodjele/osnivanja prava građenja radi realizacije projekata izgradnje, upravljanja i korištenja podzemnih garaža na području grada Zenica	7-8
95. Odluka o opredjeljenosti dodjele/osnivanja prava građenja radi realizacije projekta izgradnje i upravljanja objektom/kompleksom autobuske stanice u gradu Zenica	8
96. Rješenje o razrješenju člana Upravnog odbora Javne ustanove "Dom zdravlja" Zenica	9
97. Rješenje o imenovanju privremenog člana Upravnog odbora Javne ustanove "Dom zdravlja" Zenica	9

GRADONAČELNIK

98. Odluka o imenovanju člana Odbora za reviziju JP „Grijanje“ d.o.o. Zenica	9
99. Zaključak o preraspodjeli sredstava u Budžetu Grada Zenica za 2021. godinu	10
100. Zaključak o preraspodjeli sredstava Budžeta Grada Zenica za 2021. godinu	11
101. Zaključak o odobravanju izdvajanja sredstava iz tekuće budžetske rezerve	11
102. Zaključak o odobravanju izdvajanja sredstava iz tekuće budžetske rezerve	12